

INFORMACIJA
o kretanju makroekonomskih pokazatelja
za januar/siječanj – februar/veljača 2025. godine

Sadržaj

Uvod.....	3
1. Realni sektor.....	8
<i>Kretanje industrijske proizvodnje.....</i>	9
<i>Maloprodaja.....</i>	10
<i>Tržište rada.....</i>	11
2. Javne finansije.....	13
<i>Indirektni porezi u Bosni i Hercegovini.....</i>	14
<i>Prihodi od direktnih poreza, doprinosa i neporeskih prihoda</i>	15
3. Cijene, monetarni i finansijski sektor.....	17
<i>Cijene.....</i>	17
<i>Monetarni sektor.....</i>	18
<i>Bankarski sektor.....</i>	19
<i>Berze u Bosni i Hercegovini.....</i>	19
4. Vanjski sektor.....	20
<i>Platni bilans.....</i>	20
<i>Vanjskotrgovinska robna razmjena.....</i>	21
5. Strana direktna ulaganja.....	24

Uvod

Vijeće ministara Bosne i Hercegovine je na 79. sjednici održanoj 05.03.2009. godine razmotrilo i usvojilo Prijedlog mjera iz nadležnosti Vijeća ministara Bosne i Hercegovine za ublažavanje uticaja globalne ekonomske krize na privredu Bosne i Hercegovine. Direkcija za ekonomsko planiranje je zadužena da u vezi sa navedenim prati kretanje makroekonomskih pokazatelja i da izvještaj o kretanju mjesečno dostavlja Vijeću ministara.

Direkcija je zadužena da „Informaciju“ dostavlja mjesečno Parlamentarnoj skupštini Bosne i Hercegovine u svrhu praćenja uticaja svjetske ekonomske krize na ekonomiju Bosne i Hercegovine.

„Informacija“ obuhvata kretanje glavnih makroekonomskih pokazatelja u Bosni i Hercegovini za navedeni period. Detaljna pojašnjenja svih oblasti koje su obuhvaćene u ovom dokumentu se mogu naći u Ekonomskim trendovima Bosne i Hercegovine koje publikuje Direkcija, kvartalno - četiri puta godišnje, te redovno dostavlja Vijeću ministara i Parlamentu Bosne i Hercegovine.

* * *


U ovom dokumentu biće prikazani podaci za nivo Bosne i Hercegovine i entitetske nivoe, gdje je to moguće. Prikazani podaci za nivo BiH ne predstavljaju prosti zbir/prosjek podataka entiteta za svaki od sektora.

U vrijeme pripreme ove informacije raspoloživost statističkih podataka o ekonomskim kretanjima u Bosni i Hercegovini u 2025. godini bila je veoma ograničena. U skladu s tim, ova informacija o kretanju makroekonomskih pokazatelja u februaru 2025. godine je pripremljena na bazi raspoloživih statističkih podataka, a gdje to nije bilo moguće korišteni su podaci iz prethodnog perioda.

U 2024. godini u Bosni i Hercegovini je nastavljen je trend ekonomskog rasta iz prethodne godine. Naime, prema podacima BHAS-a za 2024. godinu (BDP, rashodni pristup, tromjesečni podaci) procjenjuje se da je **realni rast BDP-a u Bosni i Hercegovini iznosio 2,5%.**¹ Posmatrano po kvartalima, realni rast BDP-a u K1 2024. godine iznosio je 2,5%, u K2 2,3%, u K3 2,6% i u K4 2,6% u odnosu na isti period prethodne godine. Na prikazanom grafikonu je vidljivo da ekonomski trendovi u Bosni i Hercegovini imaju visok stepen korelacije za privrednim kretanjima u zemljama EU, s tim da je u 2024. godini ostvarena stopa realnog rasta BDP-a bila nešto viša. Uporedni prikaz trenda kretanja BDP-a u Bosni i Hercegovini i EU27 po kvartalima prikazan je na grafikonu ispod.

¹ Agencija za statistiku Bosne i Hercegovine, Saopštenje, „Bruto domaći proizvod, rashodni pristup, tromjesečni podaci za K4 2024. godinu“, 31.03.2025. godine.

Grafikon 1: Realni rast BDP-a u Bosni i Hercegovini po kvartalima (stopa rasta g/g)




Izvor: BHAS i EUROSTAT

Ako se pažljivije posmatra struktura ostvarenog rasta BDP-a u Bosni i Hercegovini u 2024. godini (2,5%) može se zaključiti da je domaća tražnja (potrošnja i investicije) bila glavni nosilac ekonomskog rasta, dok izvozna tražnja imala negativan utjecaj na rast BDP-a. Naime, prema trenutno raspoloživim podacima BHAS-a procjenjuje se da je rast finalne potrošnje tokom posmatranog perioda iznosio 2,1%, tako da je doprinos iste u rastu BDP-a iznosio 1,8 p.p. Detaljnije posmatrano, registrirani rast privatne potrošnje iznosio je 2,1% a javne potrošnje 2,2% tako da su doprinosi ukupnom ekonomskom rastu iznosili: privatna potrošnja 1,4 p.p i javna potrošnja 0,4 p.p. Ovaj rast potrošnje omogućen je zahvaljujući blagom povećanju broja zaposlenih, povećanju plata i penzija, povećanju priliva doznaka građana iz inostranstva, te usporavanju inflacije u zemlji u posljednjih nekoliko mjeseci.

Pored privatne potrošnje, pozitivan doprinos rastu ostvaren je i u okviru investicija obzirom da su iste u 2024. godini ostvarile dvocifren porast od 13,6% u odnosu na isti period prethodne godine. Međutim, prilikom interpretacije ovog rasta investicija i doprinosa ekonomskom rastu potrebno je imati u vidu da ova kategorija uključuje i zalihe što znatno otežava analizu doprinosa investicija u strukturi ekonomskog rasta u Bosni i Hercegovini. Pregled strukture ekonomskog rasta u Bosni i Hercegovini u 2024. godini po komponentama rasta prikazan je na grafikonu ispod.


Grafikon 2: Struktura ekonomskog rasta u Bosni i Hercegovini u 2024. godini po komponentama



Izvor: BHAS

S druge strane, u 2024. godini doprinos vanjskog sektora u ekonomskom rastu u Bosni i Hercegovini za razliku od prethodnih godina bio je negativan što je vidljivo na grafikonu iznad. Naime, prema trenutno raspoloživim međunarodnim statističkim podacima u zemljama EU došlo je usporavanja ekonomskog rasta što se negativno odrazilo na vanjskotrgovinsku robnu razmjenu i konačnici na ekonomski rast u Bosni i Hercegovini. Prema podacima Eurostat-a za 2024. godinu procijenjuje se da je stopa ekonomskog rasta na nivou EU27 iznosila svega 1,0%, dok su pojedine zemlje koje predstavljaju glavna izvozna tržišta za bh. proizvode kao što su Njemačka i Austrija zabilježile negativne stope ekonomskog rasta.² Pregled kretanja ekonomskog rasta po zemljama u 2024. godini prikazan je na grafikonu ispod.

Grafikon 3: Ekonomski rast po zemljama u 2024. godini (stopa rasta g/g u %)



Izvor: Eurostat


Ovo usporavanje privredne aktivnosti negativno se odrazilo na vanjskotrgovinsku razmjenu u Bosni i Hercegovini u 2024. godini. Naime, Bosna i Hercegovina je nakon dvocifrenog rasta u prethodnih nekoliko godina, u 2024. godini zabilježila znatno slabije rezultate u okviru vanjskotrgovinske razmjene sa svijetom. Ovo smanjenje vanjskotrgovinske razmjene posljedica je smanjenja izvoza (naročito izvoza roba), dok je uvoz uvećan usljed jačanja domaće tražnje. Naime, prema podacima BHAS-a za 2024. godinu u Bosni i Hercegovini je registrirano smanjenje izvoza od 3,1%, dok je uvoz uvećan za 2,8% u odnosu na isti period prethodne godine.³ Ovakav trend kretanja izvoza i uvoza rezultirao povećanjem trgovinskog deficita, tako da je ukupni doprinos trgovinskog bilansa u ekonomskom rastu bio izrazito negativan. S druge strane, ako se kretanje BDP-a u Bosni i Hercegovini u 2024. godini posmatra po proizvodnom pristupu vidljivo je da su sektori čija kretanja su determinisana domaćom tražnjom predstavljali glavni oslonac rasta. Tako se može konstatovati da su povećanja u sektoru usluga (trgovina na veliko i malo, informacije i komunikacije, građevinarstvo te

² <https://ec.europa.eu/eurostat/web/products-euro-indicators/w/2-06092024-sept#:~:text=>

³ U ovom dijelu izvještaja su korišteni podaci iz statistike nacionalnih računa BHAS-a za K4 2024, pokazatelji izvoza i uvoza uključuju robe i usluge.

hotelijerstvo i ugostiteljstvo) dali najznačajniji doprinos ekonomskom rastu. S druge strane, tokom posmatranog perioda izostao je značajniji doprinos roba usljed smanjenja proizvodnje u okviru prerađivačke industrije, energetskog sektora i poljoprivrede. Detaljniji prikaz strukture ekonomskog rasta u Bosni i Hercegovini u 2024. godini po proizvodnom pristupu prikazan je na grafikonu ispod.

Grafikon 4: Ekonomski rast u Bosni i Hercegovini u 2024. godini, proizvodni pristup (rast g/g i doprinosi rastu p.p)



Izvor: BHAS

Pregled makroekonomskih indikatora u 2024. i 2025. godini po mjesecima

		2024.	2025.	
Naziv indikatora	Mjerna jedinica		I	II
1. Realni sektor				
*BDP	stopa rasta g/g u %	2,5	N/A	N/A
** Populacija	u milionima	N/A	N/A	N/A
*BDP/per capita	u KM	N/A	N/A	N/A
Fizički obim indust. proizvodnje	stopa rasta g/g u %	-4,2	-0,8	-6,0
Prerađivačka indust.	stopa rasta g/g u %	-4,4	0,6	-8,0
Građevinarstvo	stopa rasta g/g u %	2,8	N/A	N/A
Maloprodaja	stopa rasta g/g u %	6,4	-1,3	-4,4
Turizam	stopa rasta g/g u %	10,3	8,5	3,9
2. Tržište rada				
Zaposlenost	u hiljadama	855,8	860,0	N/A
Rast zaposlenosti	stopa rasta g/g u %	0,7	1,2	N/A
Nezaposlenost	u hiljadama	328,6	323,6	324,3
Rast nezaposlenosti	stopa rasta g/g u %	-5,8	-5,0	-4,2
Prosječna neto plata	u KM	1.381	1.508	N/A
Nominalni rast prosječne neto plate	stopa rasta g/g u %	9,4	13,5	N/A
3. Vanjski sektor				
Izvoz roba	stopa rasta g/g u %	-3,7	3,7	9,8
Uvoz roba	stopa rasta g/g u %	3,2	8,1	3,6
Trgovinski bilans	stopa rasta g/g u %	13,7	19,4	-2,3
*Bilans tekućeg računa	udio % BDP	-4,0	N/A	N/A
*Direktna strana ulaganja	udio % BDP	3,8	N/A	N/A
Devizne rezerve (kraj perioda)	u mlrd. KM	17,6	17,3	17,0
4. Monetarni agregati i cijene				
Inflacija, CPI	stopa rasta g/g u %	1,7	3,3	3,5
Hrana	stopa rasta g/g u %	1,6	5,2	5,7
Goriva i maziva	stopa rasta g/g u %	-3,8	-3,6	-4,2
Proizvođačke cijene (kraj perioda)	stopa rasta g/g u %	2,7	3,3	4,1
M2 (kraj perioda)	stopa rasta g/g u %	9,3	8,9	8,4
5. Bankarski sektor				
Ukupni krediti (kraj perioda)	stopa rasta g/g u %	9,8	9,8	10,1
Ukupni depoziti (kraj perioda)	stopa rasta g/g u %	8,8	8,4	7,8
6. Javne finansije				
Ukupni javni prihodi (porezi, doprinosi,dr.)	stopa rasta g/g u %	9,4	2,6	8,6
Direktni porezi	stopa rasta g/g u %	13,7	1,1	11,9
Socijalni doprinosi	stopa rasta g/g u %	10,2	8,2	14,6
Bruto prihodi od indirektnih poreza	stopa rasta g/g u %	8,5	1,2	3,7
Neto prihodi od indirektnih poreza	stopa rasta g/g u %	11,8	-0,3	-0,3
Neto prihodi od PDV	stopa rasta g/g u %	11,5	0,9	-0,3
*Javni dug sektora vlade	udio u % BDP	26,8	N/A	N/A

1. U tabeli su prikazani zvanični podaci Agencije za statistiku Bosne i Hercegovine i administrativni podaci određenih institucija u Bosni i Hercegovini.
2. Prikazane stope rasta po mjesecima predstavljaju kretanje pokazatelja u navedenom mjesecu u odnosu na isti mjesec prethodne godine.
3. * označava pokazatelje koji su dostupni samo nivou kvartalnih vremenskih serija (mart- K1), (juni- K2), (septembar- K3) i (decembar-K4).
4. ** Posljednji raspoloživi podatak je procjena za 2023. godinu (3,422 miliona). Izvor: BHAS, Demografija 2023.

1. Realni sektor

Kretanje industrijske proizvodnje

Trend kretanja fizičkog obima industrijske proizvodnje u Bosni i Hercegovini pored proizvodnih procesa u zemlji, u velikoj mjeri je određen ekonomskim kretanjima u glavnim trgovinskim partnerima odnosno izvoznom tražnjom. Obzirom da je u posljednje vrijeme došlo do usporavanja ekonomske aktivnosti u zemljama EU i regiona to se odrazilo i na trend kretanja fizičkog obima industrijske proizvodnje u zemlji. Naime, Bosna i Hercegovina već duži vremenski period bilježi trend usporavanja fizičkog obima industrijske proizvodnje. U skladu sa ovim vanjskim kretanjima Bosna i Hercegovina bilježi niži nivo fizičkog obima industrijske proizvodnje, ovo se naročito odnosi na prerađivačku industriju. Naime, trenutno raspoloživi statistički podaci za 2025. godinu ukazuju da je negativan trend u okviru industrijske proizvodnje u Bosni i Hercegovini nastavljen. Naime, usporavanje privredne aktivnosti u glavnim trgovinskim partnerima (EU i zemlje regiona) oslabilo je izvoznju tražnju za bh. proizvodima i samim tim dovelo do pada industrijske proizvodnje u Bosni i Hercegovini. Tako je prema podacima BHAS-a za period januar-februar 2025. godinu u Bosni i Hercegovini registriran pad fizičkog obima industrijske proizvodnje od 3,5% u odnosu na isti period prethodne godine.⁴ S druge strane, ako se posmatra na mjesečnom nivou može se konstatovati da je proizvodnja u februaru 2025. godine u odnosu na isti mjesec prethodne godine smanjena za 6%. Ako se kretanja fizičkog obima industrijske proizvodnje posmatraju na entitetskom nivou može se konstatovati da je trend kretanja ujednačen. Tabela prikaz kretanja fizičkog obima industrijske proizvodnje u Bosni i Hercegovini po entitetima za period januar-februar 2025. godine prikazan je ispod.

Tabela 1: Kretanje fizičkog obima industrijske proizvodnje u periodu januar-februar 2025. godine, po entitetima (stopa rasta u %, g/g)


2025	Federacija Bosne i Hercegovina	Republika Srpska
februar	-6,0%	-4,8%
januar-februar	-2,4%	-5,5%

Izvor: Federalni zavod za statistiku Federacije Bosne i Hercegovine i Republički zavod za statistiku Republike Srpske

S druge strane, sektorski posmatrano prema podacima BHAS-a za period januar-februar 2025. godine pad obima proizvodnje u rudarstvu iznosio 3,7%, prerađivačkoj industriji 4,1%, dok u okviru sektora za proizvodnju električne energije zabilježena stagnacija od 0,4%. Pregled strukture fizičkog obima industrijske proizvodnje po sektorima prikazan je na grafikonu ispod.

⁴ Agencija za statistiku Bosne i Hercegovine, Saopštenje, „Indeks obima industrijske proizvodnje u Bosni i Hercegovini za februar 2025. godine-prethodni podaci“, 26.03.2025. godine.


Grafikon 5: Kretanje fizičkog obima industrijske proizvodnje u Bosni i Hercegovini za period januar-februar 2025. godini po sektorima (rast g/g)



Izvor: BHAS

Na osnovu ovih pokazatelja može se zaključiti da je pad proizvodnje u okviru prerađivačke industrije koja čini 3/4 ukupne industrije i ima visok stepen izvozne orijentacije, predstavljao jedan od ključnih razloga za pad ukupnog obima industrijske proizvodnje u Bosni i Hercegovini u periodu januar-februar 2025. godine. Kao što je ranije navedeno trendovi kretanja u okviru prerađivačke industrije u Bosni i Hercegovini skoro u potpunosti su determinisani kretanjima iste u glavnim trgovinskim partnerima što. S druge strane, posmatrano po granama najznačajnija smanjenja proizvodnje a samim tim i negativan doprinos u okviru ukupne prerađivačke industrije imale su izvozno orijentirane grane proizvodnje. Grafički prikaz kretanja proizvodnje u okviru prerađivačke industrije u Bosni i Hercegovini po granama u periodu januar-februar 2025 godine po granama prikazan je ispod.

Grafikon 6: Prerađivačka industrija po granama januar – februar 2025. godine (stopa rasta g/g)



Izvor: BHAS

Maloprodaja

Promet ukupne trgovine u periodu januar-februar 2025. godine iznosio je 2,51 milijardi KM i niži je za 74 miliona KM u odnosu na isti period prethodne godine (pad prometa od 2,9% g/g). Smanjen promet u navedenom razdoblju nije se mogao osjetiti kod trgovine motornim gorivima u specijaliziranim prodavnicama (u daljem tekstu s.p.) gdje je ostvaren rast za 10% g/g (promet je povećan za 43 miliona KM) dok je sa druge strane u trgovini na malo osim trgovine motornim gorivima u s.p. zabilježeno realno smanjenje prometa od 5,4% g/g (prometa je niži za 117 miliona KM). Pad prometa u maloprodaji u januaru i februaru 2025. godine (nakon 49 mjeseci rasta prometa) mogao bi biti nagovještaj slabljenja kupovne moći a samim time i pada privatne potrošnje kao bitne komponente u okviru BDP-a.

Tabela 2: Ukupna maloprodaja po entitetima (stopa rasta u %, g/g)


2025. godina	Republika Srpska	Federacija Bosne i Hercegovine
januar-februar	6,3	-1,3
februar	3,1	-1,3

Izvor: Republički zavod za statistiku Republike Srpske⁵, Federalni zavod za statistiku Federacije Bosne i Hercegovine⁶

Podaci prikazani u tabeli iznad se razlikuju od podataka BHAS-a zbog korištenja različitih modela koji se koriste za desezoniranje podataka.

Prema zvaničnim podacima BHAS-a ukupna trgovina na malo u mjesecu februaru 2025. godine, u odnosu na isti mjesec prethodne godine, zabilježila je realno smanjenje prometa od 4,4%⁷. Moglo bi se reći da je ovo smanjenje u potpunosti izazvano nižim prometom u trgovini na malo, osim trgovine motornim gorivima u s.p. gdje je zabilježen manji promet za 6,4% g/g (promet u ovoj kategoriji je iznosio 997 miliona KM, niži za 68 miliona KM). Sa druge strane trgovina motornim gorivima na malo u s.p. ostvarila je porast prometa za 5,5% g/g (promet iznosio 226 miliona KM, uvećan za 12 miliona KM).

Grafikon 7: Ukupna trgovina na malo u Bosni i Hercegovini – u mjesecu februaru (rast g/g u %)⁸



Izvor: BHAS

⁵ Izvor podataka: Republički zavod za statistiku Republike Srpske Trgovina na malo, februar 2025.

⁶ Izvor podataka: Federalni zavod za statistiku Federacije Bosne i Hercegovine, Trgovina na malo prvi rezultati za februar/veljača 2025. godine

⁷ Izvor podataka: BHAS, Indeksi prometa trgovine na malo u Bosni i Hercegovini, februar 2025.

⁸ Promet trgovine na malo, realna - kalendarski prilagođena serija, 2006-2025, u milionima KM

U mjesecu februaru 2025. godine kod trgovine na malo hranom, pićem i duhanskim proizvodima u nespecijaliziranim prodavnicama (u daljem tekstu n.p.) je zabilježeno smanjenje prometa od 2,4% (promet iznosio 311 miliona KM, promet smanjen za 7,6 miliona). U trgovini na malo hranom, pićem i duhanskim proizvodima u s.p. je također, u mjesecu februaru 2025. godine, registrovano smanjenje prometa za 11% g/g (promet je iznosio 22 miliona, niži je za 2,7 miliona KM).

U okviru trgovine na malo neprehrambenim proizvodima također je zabilježeno smanjenje prometa u okviru više kategorija. Tako je trgovina na malo ostalom robom u posmatranom mjesecu niža za 12,1% g/g (promet je smanjen za 61,6 miliona KM) dok je smanjenje prometa zabilježeno i u okviru trgovine na malo proizvodima za kulturu i rekreaciju (promet manji za 19,4%, odnosno za 3,4 miliona KM) te kod trgovine na malo informacijsko komunikacijskom opremom gdje je promet niži za 5,9% g/g.

Kod trgovine ostalom robom u s.p. najveći pad prometa, u mjesecu februaru 2025. godine, od 14% g/g zabilježen je u trgovini na malo tekstilom, odjećom, obućom i proizvodima od kože (tačnije iskazano promet je niži za 52,4 miliona KM u odnosu na isti mjesec prethodne godine). Promet u apotekama, trgovini na malo medicinskim i kozmetičkim preparatima je također niži za 4,4% g/g (promet 101 milion KM, smanjenje prometa za 4,6 miliona KM). Promet u trgovini na malo sportskom opremom, igrama i igračkama niži je za 21,5% g/g (odnosno za 3,1 milion KM). Izuzetak u okviru trgovine ostalom robom u s.p. predstavlja trgovina na malo namještajem, opremom za rasvjetu i električnim aparatima za domaćinstvo gdje je promet porastao za 16% g/g (ukupan promet u ovoj kategoriji iznosio je 32,8 miliona KM i viši je za 4,5 miliona KM).

Tržište rada

Podatak o broju zaposlenih lica u Bosni i Hercegovini za februar 2025. godine nije objavljen u periodu pripreme Informacije, pa se podaci u tekstu odnose na januar 2025. godine.

Od početka 2025. godine nastavljen je rast broja zaposlenih lica u Bosni i Hercegovini. U januaru 2025. godine broj zaposlenih bio je veći za 1,2% u odnosu na isti mjesec prethodne godine i iznosio oko 860⁹ hiljada. Broj zaposlenih lica po entitetima predstavljen je u tabeli ispod. Posmatrajući broj zaposlenih lica u Bosni i Hercegovini prema područjima djelatnosti, najznačajniji rast u januaru 2025. godine bilo je u oblastima trgovine, hotelijerstva i ugostiteljstva. S druge strane, rast broja zaposlenih lica je usporen zbog smanjenje broja zaposlenih lica u industrijskoj proizvodnji. U djelatnosti prerađivačke industrije broj zaposlenih lica je smanjen za 2,4% g/g uz negativan doprinos rastu od 0,5 p.p.

Broj zaposlenih lica u januaru 2025. godine je najviše uvećan u području djelatnosti trgovine na veliko i malo¹⁰, popravke motornih vozila i motocikala (3,5% g/g) uz doprinos rastu ukupnog broja zaposlenih oko 0,6 p.p. Pored trgovine, značajan rast broja zaposlenih bio je u djelatnosti pružanja smještaja¹¹, te pripreme i usluživanja hrane (5,5% g/g) uz doprinos rastu ukupnog broja zaposlenih oko 0,3 p.p. Pored pomenutih oblasti, broj zaposlenih je uvećan i u području djelatnosti zdravstvene i socijalne zaštite (3,2% g/g, doprinos rastu od 0,2 p.p.) kao i u području

⁹ Privremeni podatak. Izvor: BHAS.

¹⁰ Ukupan promet trgovine na malo u Bosni i Hercegovini, posmatran u tekućim cijenama, u januaru 2025. godine ostvario je rast od 4,7% u odnosu na isti mjesec prethodne godine. Izvor: Poslovne statistike, indeksi prometa trgovine na malo, januar 2025. godine.

¹¹ U Bosni i Hercegovini u januaru 2025. turisti su ostvarili 99.491 posjeta, što je za 8,5% više u odnosu na januar 2024. godine. Turisti su ostvarili 234.350 noćenja, što je za 9,5% više u odnosu na januar 2024. godine. Izvor: Poslovne statistike, turizam, januar 2025. godine.

ostalnih uslužnih djelatnosti (7,8% g/g, doprinos rastu oko 0,2 p.p.). Sve ostale djelatnosti imale su manji doprinos rastu ukupnog broja zaposlenih lica u Bosni i Hercegovini.

Tabela 3: Broj zaposlenih¹² lica

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
I-XII 2024	855.764	0,7%	547.660	1,2%	289.722	-0,3%
I-2025	860.041	1,2%	547.291	1,0%	-	-

Izvor: Agencija za statistiku Bosne i Hercegovine, Federalni zavod za statistiku Federacije Bosne i Hercegovine, Republički zavod za statistiku Republike Srpske

Broj registrovanih nezaposlenih lica u Bosni i Hercegovini u februaru 2025. godine nastavio se smanjivati (-4,2% g/g) i iznosio je oko 324,3 hiljada. Broj registrovanih nezaposlenih lica po mjesecima i entitetima predstavljen je u tabeli ispod.

Tabela 4: Broj registrovanih nezaposlenih lica

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
I-XII 2024	328.623	-5,8%	260.298	-6,1%	56.323	-7,8%
I-2025	323.628	-5,0%	257.914	-4,1%	53.956	-8,6%
II-2025	324.314	-4,2%	258.831	-3,1%	53.749	-8,7%

Izvor: Agencija za statistiku Bosne i Hercegovine, Agencija za rad i zapošljavanje Bosne i Hercegovine, Zavod za zapošljavanje Republike Srpske, Federalni zavod za zapošljavanje Federacije Bosne i Hercegovine

Podatak o prosječnoj neto plati u Bosni i Hercegovini za februar 2025. godine nije objavljen u periodu pripreme Informacije, pa se podaci u tekstu odnose na januar 2025. godine.

Prosječna isplaćena neto plata u Bosni i Hercegovini u januaru 2025. godine iznosila je 1.508 KM i nominalno veća je za 13,5% u odnosu na januar 2024. godine. Realni rast prosječne neto plate bio je nešto sporiji uzimajući u obzir inflaciju i iznosio je 9,9% g/g. Bitno je napomenuti da je početkom 2025. godine došlo do uvećanja najnižih plata u oba entiteta što doprinosi rastu prosječne neto plate.¹³ Kretanje prosječne neto plate po entitetima predstavljeno je u tabeli ispod.

Analizirajući nominalni rast prosječenih neto plata prema područjima djelatnosti evidentno je da su najveće nominalne stope rasta prosječne neto plate u januaru 2025. godine bile u području djelatnosti pružanja smještaja, te pripreme i usluživanja hrane (24,8% g/g), trgovine na veliko i malo, popravka motornih vozila i motocikala (22,4% g/g), administrativnih i pomoćnih uslužnih djelatnosti (22,4% g/g), građevinarstva (21,5% g/g), prerađivačke industrije (20,1% g/g), te djelatnosti umjetnosti, zabave i rekreacije (19,1% g/g).

¹² Podaci o broju zaposlenih lica za Bosnu i Hercegovinu do septembra 2024. godine su konačni, a nakon toga podaci su privremeni. U Republici Srpskoj podaci o broju zaposlenih lica se objavljuju za mart i septembar svake godine.

¹³ U Federaciji Bosne i Hercegovine najniža plata za period od 01. januara do 31. decembra 2025. godine utvrđuje se u neto iznosu od 1.000 KM. (Odluka o iznosu najniže plaće za 2025. godinu, Službene novine Federacije Bosne i Hercegovine broj 104/24). U Republici Srpskoj takođe je donesena Odluka o najnižoj plati za 2025. godinu, Sl. glasnik Republike Srpske 6/25). Najniža plata u Republici Srpskoj utvrđuje se u bruto iznosu od 1.344,26 KM, odnosno u neto iznosu od 900,00 KM. Najniža plata za poslove za čije obavljanje se zahtijeva najmanje stečeno srednje obrazovanje u trajanju od tri godine utvrđuje se u bruto iznosu od 1.426,23 KM, odnosno u neto iznosu od 950,00 KM. Najniža plata za poslove za čije obavljanje se zahtijeva najmanje stečeno srednje obrazovanje u trajanju od četiri godine utvrđuje se u bruto iznosu od 1.508,20 KM, odnosno u neto iznosu od 1.000,00 KM. Najniža plata za poslove za čije obavljanje se zahtijeva najmanje stečeno više obrazovanje utvrđuje se u bruto iznosu od 2.000,00 KM, odnosno u neto iznosu od 1.300,00 KM.

Najveća prosječna isplaćena neto plata u januaru 2025. godine bila je u području informacija i komunikacija (2.074 KM), dok je najniža prosječna isplaćena neto plata u području djelatnosti pružanja smještaja, te pripreme i usluživanja hrane (1.092 KM).

Tabela 5: Prosječna neto plata (u KM) i nom. stope rasta u odnosu na isti period prethodne godine

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
I-XII 2024	1.381	9,4%	1.373	8,9%	1.404	10,2%
I-2025	1.508	13,5%	1.546	15,5%	1.434	9,3%

Izvor: Agencija za statistiku Bosne i Hercegovine, Federalni zavod za statistiku Federacije Bosne i Hercegovine, Republički zavod za statistiku Republike Srpske

Ukupan broj penzionera koji prima samostalnu penziju u Bosni i Hercegovini u februaru 2025. godine iznosio je 658,5 hiljada i veći je za 1,8% u odnosu na februar 2024. godine.¹⁴ Prosječna samostalna penzija u Bosni i Hercegovini u februaru 2025. godine je uvećana za 3,8% g/g i iznosila je oko 684¹⁵ KM što je podstaknuto uvećanjem penzija u oba entiteta tokom 2024. godine ali i početkom 2025. godine (u Republici Srpskoj).¹⁶ Najniža penzija u Federaciji Bosne i Hercegovine u februaru 2025. godine nije se mijenjala u odnosu na prethodni mjesec i iznosila je 573,5 KM, a u Republici Srpskoj najniža penzija je iznosila je 318,6¹⁷ KM za penzijski staž do 15. godina. Prosječne penzije u entitetima su predstavljene u tabeli ispod.

Tabela 6: Prosječna samostalna penzija (u KM)

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
XII-2024	667,5	8,2%	724,6	7,3%	594,4	9,8%
I-2025	683,7	3,8%	725,2	2,1%	630,3	6,5%
II-2025	684,0	3,8%	725,3	2,1%	630,9	6,6%

Izvor: Federalni zavod za penzijsko i invalidsko osiguranje Federacije Bosne i Hercegovine, Fond za penzijsko i invalidsko osiguranje Republike Srpske

2. Javne finansije

U prva dva mjeseca 2025. nastavljani su pozitivni trendovi u naplati javnih prihoda iz 2024. godine, ali je prisutno usporavanje njihovog rasta. Prema dostupnim podacima, u Bosni i Hercegovini ukupno je prikupljeno oko 3,8 milijardi KM javnih prihoda, po osnovu indirektnih i direktnih poreza, socijalnih doprinosa, taksi, kazni i naknada. U poređenju sa istim periodom prethodne godine, javni prihodi su veći za oko 6,8%. U strukturi javnih prihoda dominiraju prihodi entitetskih poreskih uprava sa oko 53%. Glavni razlog rasta prihoda od direktnih poreza

¹⁴ Broj penzionera u Bosni i Hercegovini u analizi predstavlja zbir penzionera koji primaju samostalne penzije od Federalnog zavoda za penzijsko i invalidsko osiguranje i Fonda za penzijsko i invalidsko osiguranje Republike Srpske bez obzira na mjesto prebivališta (u ili izvan Bosne i Hercegovine). Uzme li se u obzir i broj korisnika srazmjerne penzije u Federaciji Bosne i Hercegovine ukupan broj penzionera u Bosni i Hercegovini iznosi oko 745,4 hiljada. Podaci o srazmjernim penzijama u Republici Srpskoj nisu objavljeni u statističkom biltenu.

¹⁵ Prosječna samostalna penzija u Bosni i Hercegovini je izračunata na osnovu prosječnih samostalnih mjesečnih penzija ponderisanih udjelom ukupnog broja penzionera u svakom od entiteta u ukupnom broju penzionera. Uzme li se u obzir i broj korisnika srazmjerne penzije u Federaciji Bosne i Hercegovine prosječna penzija u Bosni i Hercegovini iznosi oko 625 KM. Podaci o srazmjernim penzijama u Republici Srpskoj nisu objavljeni u statističkom biltenu.

¹⁶ Penzije u oba entiteta su uvećane tokom 2024. godine (detajnije u Informaciji za decembar 2024. godine). Pored toga, u Republici Srpskoj penzije ostvarene do 31. decembra 2024. godine svim korisnicima prava usklađuju se od 01. januara 2025. godine i povećavaju u ukupnom iznosu za 6%. Izvor: Fond za penzijsko i invalidsko osiguranje Republike Srpske.

¹⁷ U Republici Srpskoj za penzijski staž 15-20 godina najniža penzija je iznosila 382,40 KM, za penzijski staž 20-30 godina iznosila je 446,15 KM, za penzijski staž 30-40 godina iznosila je 509,94 KM i za penzijski staž 40 i više godina najniža penzija je iznosila 637,43 KM.

i doprinosa uticala su dešavanja na tržištu rada (povećanje minimalne plate u oba entiteta)¹⁸, o čemu je detaljnije pisano u prethodnoj Informaciji.

Indirektni porezi u Bosni i Hercegovini

Od 01.01.2025. na snazi je Odluka o utvrđivanju posebne i minimalne akcize na cigarete i duvan za pušenje za 2025. godinu¹⁹.

Naplaćeni prihodi. U prva dva mjeseca 2025. godine, UIO Bosne i Hercegovine ukupno je naplatila oko 1,8 milijardi KM bruto prihoda od indirektnih poreza, što je za skrmonih 2,5% više nego u istom periodu 2024. godine. Međutim, rast povrata novčanih sredstava sa Jedinstvenog računa UIO od oko 14,5% g/g u potpunosti je anulirao pozitivne efekte bruto naplate, tako da je neto naplata prihoda od indirektnih poreza bila manja za 0,2% g/g. Neto prihodi od indirektnih poreza, su tokom posmatranog perioda, iznosili oko 1,4 milijarde KM. Pozitivan doprinos stopi rasta neto prihoda od indirektnih poreza dali su jedino prihodi od carina od oko 0,6 p.p.. Ostali prihodi su dali negativan doprinos, dok su prihodi od poreza na dodanu vrijednost (PDV) bili neutralni.

Tabela 7: Naplata i raspodjela prihoda od indirektnih poreza (rast g/g u % ako nije drugačije naznačeno)

	struktura 2025	jan-feb 2024	jan-feb 2025	dec 2024	jan 2025	feb 2025
Bruto prihodi - prikupljeno	100,0	11,9	2,5	14,3	1,2	3,7
<i>Povrati</i>	<i>19,4</i>	<i>-11,9</i>	<i>14,5</i>	<i>-13,4</i>	<i>7,7</i>	<i>22,5</i>
Neto prihodi - prikupljeno	80,6	19,2	-0,2	23,2	-0,3	-0,3
<i>PDV</i>	<i>53,5</i>	<i>23,5</i>	<i>0,0</i>	<i>18,5</i>	<i>0,9</i>	<i>-0,3</i>
<i>Carine</i>	<i>5,1</i>	<i>19,6</i>	<i>11,6</i>	<i>15,2</i>	<i>18,8</i>	<i>6,6</i>
<i>Akcize</i>	<i>15,1</i>	<i>7,1</i>	<i>-3,4</i>	<i>31,2</i>	<i>-7,0</i>	<i>-0,2</i>
<i>Putarine</i>	<i>6,3</i>	<i>18,3</i>	<i>-1,0</i>	<i>13,7</i>	<i>-7,5</i>	<i>-1,9</i>
<i>Ostali prihodi</i>	<i>0,3</i>	<i>21,3</i>	<i>0,0</i>	<i>8,9</i>	<i>9,2</i>	<i>-6,8</i>
<i>Neusklađeni prihodi</i>	<i>0,4</i>	<i>-11,7</i>	<i>-16,1</i>	<i>...</i>	<i>0,6</i>	<i>-39,1</i>
Raspoloživo za raspodjelu	100,0	11,8	2,7	14,2	-0,5	1,9
<i>Minimalne rezerve</i>	<i>19,8</i>	<i>-11,6</i>	<i>14,3</i>	<i>-13,2</i>	<i>7,3</i>	<i>19,4</i>
Budžeti	80,2	19,2	0,0	23,0	-2,4	-1,9
Servisiranje vanjskog duga	13,8	-0,1	9,5	-33,0	0,9	20,3
<i>Federacija Bosne i Hercegovine</i>	<i>9,0</i>	<i>-1,3</i>	<i>9,1</i>	<i>-21,2</i>	<i>0,1</i>	<i>20,2</i>
<i>Republika Srpska</i>	<i>4,6</i>	<i>1,2</i>	<i>10,5</i>	<i>-62,1</i>	<i>2,9</i>	<i>20,5</i>
<i>Brčko Distrikt</i>	<i>0,2</i>	<i>24,1</i>	<i>-9,0</i>	<i>-96,9</i>	<i>-17,4</i>	<i>21,1</i>
Raspodjeljeno nakon servisiranja vanjskog duga	66,4	23,9	-1,9	28,6	-3,2	-5,5
<i>Institucije Bosne i Hercegovine</i>	<i>9,4</i>	<i>21,3</i>	<i>-3,6</i>	<i>3,4</i>	<i>-1,3</i>	<i>-6,0</i>
<i>Federacija Bosne i Hercegovine</i>	<i>34,7</i>	<i>23,8</i>	<i>-1,7</i>	<i>32,0</i>	<i>-3,3</i>	<i>-5,5</i>
<i>Republika Srpska</i>	<i>20,0</i>	<i>26,3</i>	<i>-1,8</i>	<i>33,7</i>	<i>-3,9</i>	<i>-6,0</i>
<i>Brčko Distrikt</i>	<i>2,3</i>	<i>16,5</i>	<i>0,7</i>	<i>26,3</i>	<i>-2,0</i>	<i>0,4</i>

Izvor: UIO Bosne i Hercegovine

PDV. Bruto prihodi od PDV-a, tokom posmatranog perioda 2025. godine, su iznosili oko 1,3 milijarde KM, što je za 3,9% više nego u istom periodu 2024. godine. Usljed rasta povrata sa JR UIO, neto prihodi po osnovu PDV-a, tokom istog perioda, su iznosili oko 981 milion KM, što je ostalo nepromijenjeno u poređenju sa istim periodom prethodne godine. Za prva dva

¹⁸ O ovim mjerama pisano je detaljnije u prethodnoj Informaciji.

¹⁹ Odluka o utvrđivanju posebne i minimalne akcize na cigarete i iznos akcize na duvan za pušenje za 2025. godinu („Službeni glasnik BiH“, broj 84/24), a koja se primjenjuje od 01.01.2025. godine. Odlukom je definisano da se od 01.01.2025. godine, na cigarete i duvan za pušenje plaća sljedeća akciza i to :

a) proporcionalna akciza, po stopi od 42% na osnovicu utvrđenu u skladu sa članom 15. stav (1) tačka b) Zakona o akcizama u Bosni i Hercegovini ("Službeni glasnik BiH", br. 49/09, 49/14, 60/14, 91/17 i 50/22, u daljnjem tekstu: Zakon) i

b) specifična akciza u iznosu od 82,50 KM za 1.000 komada, odnosno 1,65 KM za pakovanje cigareta od 20 komada
Akciza na duvan za pušenje utvrđuje se u visini od 80% minimalne akcize, utvrđene u članu 3. stav (3) ove odluke i iznosi 143,20 KM po kilogramu.

<http://www.sluzbenilist.ba/page/akt/pS4G2Sohz4nh78h777kohz4nh78h77c=>

mjeseca tekuće godine, prihodi od PDV-a po osnovu uvoza roba uvećani su za oko 4,6% g/g, dok su prihodi naplaćeni iz prometa domaćih roba i usluga veći za oko 2,9% g/g.

Akcize. Po osnovu akciza, za prva dva mjeseca 2025. godine, ukupno je naplaćeno oko 243 miliona KM bruto prihoda, što je za oko 5,0% manje u poređenju sa istim periodom 2024. godine. Rezultat smanjenja prihoda od akciza leži u smanjenju prihoda od uvoznih akciza. Prihodi od uvoza akciza su manji za oko 5,6% g/g. Sa druge strane, domaće akcize su veće za oko 27,4% g/g. Međutim, ni ovolika stopa rasta nije mogla da ublaži smanjenje ukupnih akciza, jer je udio prihoda po osnovu domaćih akciza neznatan. Ukupni prihodi od akciza na naftu i derivate nafte manji su za oko 1,9% g/g, prihodi od akciza na duvan i duvanske prerađevine za 7,2% g/g i prihodi od ostalih akciza 0,7% g/g. Tokom istog perioda, neto prihodi od akciza su iznosili oko 242 miliona KM i manji su za oko 3,4% g/g.

Putarine. Ukupno naplaćeni prihodi od putarina za dva mjeseca 2025. godine iznosili su oko 103 miliona KM. Naplata prihoda od putarine uglavnom prati naplatu akciza na naftu i naftne derivate, sa određenim razlikama koje potiču od različitih osnovica na koje se obračunava i plaća putarina, odnosno akcize na naftu i derivate nafte. Tokom posmatranog perioda navedeni prihodi su zabilježili smanjenje od oko 1,8% g/g.

Carine. Neto prihodi od carinskih dažbina u periodu januar- februar 2025. godine su iznosili oko 88 miliona KM. U poređenju sa istim periodom 2024. godine navedeni prihodi su veći za oko 13,3% g/g. Visoka stopa rasta prihoda od carina se može povezati sa porastom uvoza iz trećih zemalja, a koji se uvoze u Bosnu i Hercegovinu.

Raspoređeni prihodi. Za prva dva mjeseca 2025. godine, ukupni prihodi raspoloživi za raspodjelu su iznosili oko 1,8 milijardi KM. Nakon izdvajanja sredstava za izgradnju autoputeva i izgradnju i rekonstrukciju drugih puteva u Bosni i Hercegovini u iznosu od oko 70 miliona KM, minimalne rezerve u iznosu od oko 372 miliona KM i sredstava za finansiranje institucija Bosne i Hercegovine u iznosu od 161 milion KM, UIO Bosne i Hercegovine, je izvršila raspored preostalih sredstava u iznosu od oko 1,2 milijarde KM krajnjim korisnicima prema važećim koeficijentima²⁰. Od tog iznosa Federaciji Bosne i Hercegovine je doznačeno ukupno oko 738 miliona KM (za servis vanjskog duga oko 168 miliona KM), Republici Srpskoj oko 410 miliona KM (za servis vanjskog duga oko 89 miliona KM) i Brčko Distriktu oko 42 miliona KM (za servis vanjskog duga 1,3 milion KM). U poređenju sa istim periodom prethodne godine raspoređena sredstva sa jedinstvenog računa UIO za servis vanjskog duga su veća za oko 9,5% g/g, dok su raspoređena sredstva krajnjim korisnicima, nakon servisiranja obaveza vanjskog duga manja za 1,9%.

Prihodi od direktnih poreza, doprinosa i neporeskih prihoda

Od januara 2025. godine, u primjeni su zakonski akti i mjere koje su donijele i primjenjuju, obje entitetske vlade, koje će se u narednom periodu svakako odraziti na prihode entitetskih poreskih uprava, a o čemu je detaljnije pisano u prethodnoj Informaciji²¹.

²⁰ Odlukom Upravnog odbora UIO Bosne i Hercegovine, broj: 02-02-15-3-1/23 od 04.09.2023. godine, utvrđeni su privremeni koeficijenti raspodjele sredstava sa Jedinstvenog računa za period jul-septembar 2023. godine, i isti iznose: BiH 62,01%, RS 34,44%, Brčko Distrikt BiH 3,55%.

²¹ <https://fbihvlada.gov.ba/bs/utvrdena-najniza-plata-za-2025-godinu-u-iznosu-od-1000-km>

<https://fbihvlada.gov.ba/bs/11-uredba-o-isplati-pomoci-od-strane-poslodavca>;

<https://www.pufbih.ba/v1/novosti/3181/obavijest-u-vezi-primjene-uredbe-o-isplati-pomoi-radnicima-od-strane-poslodavca>

<https://erp.slglasnik.org/erp/slglasnik.org/rs/sgrs/vlada-republike-srpske/odluka/2025/6/15900>

Entitetske poreske uprave su u za dva mjeseca 2025. godine, ukupno prikupile oko 2 milijarde KM javnih prihoda, iz svojih nadležnosti. Navedeni prihodi su zadržali dvocifrenu stopu rasta (10,9% g/g). Što se tiče naplate prihoda u februaru mjesecu 2025. godine, primjetno je povećanje u poređenju sa januarom iste godine, ali i značajan rast u poređenju sa februarom 2024. godine. Detalji o naplaćenim prihodima slijede u tabeli ispod.

Tabela 8: Prihodi od direktnih poreza, doprinosa, taksi, naknada i kazni u januaru

Naziv prihoda	Federacija Bosne i Hercegovine			Republika Srpska			Bosna i Hercegovina		
	miliona KM		rast u %	miliona KM		rast u %	miliona KM		rast u %
	2024	2025		2024	2025		2024	2025	
Direktni porezi	225,8	247,5	9,6	109,2	128,5	17,7	335,0	376,0	12,2
Porez na dohodak	117,6	137,1	16,6	57,5	69,3	20,6	175,1	206,4	17,9
Porez na dobit	77,8	76,9	-1,2	47,4	54,8	15,6	125,2	131,7	5,2
Porezi građana	30,3	33,3	10,1	4,3	4,4	2,0	34,6	37,8	9,1
Ostali porezi	0,1	0,1	4,6	0,0	0,0	-	0,1	0,1	4,6
Takse, kazne i naknade	1533,4	151,2	-1,4	85,2	88,5	3,9	238,6	239,7	0,5
Doprinosi	862,9	970,4	12,5	379,2	428,2	12,9	1.242,2	1.398,5	12,6
PIO	484,1	542,8	12,1	227,3	256,5	12,9	711,4	799,3	12,4
Zdravstvo	338,9	382,8	12,9	124,3	140,5	13,1	463,2	523,3	13,0
Nezaposleni	39,9	44,7	12,2	7,0	7,9	13,0	46,9	52,7	12,3
Dječija zaštita	0,0	0,0	-	19,0	21,3	11,9	19,0	21,3	11,9
Zapošljavanje invalida	0,0	0,0	-	1,7	2,0	18,4	1,7	2,0	18,4
Ostali prihodi	0,1	0,0	-	0,0	0,0	-	0,1	0,0	-
UKUPNO	1.242,2	1.369,1	10,2	573,6	645,2	12,5	1.815,8	2.014,3	10,9

Socijalni doprinosi. Ukupno prikupljeni prihodi po osnovu socijalnih doprinosa, na kraju posmatranog perioda 2025. godine, su iznosili oko 1,4 milijarde KM, čime su u ostvarili rast od oko 12,6% g/g. Posmatrajući pojedinačne kategorije prihoda od doprinosa, uočava se da one bilježe ujednačene stope rasta, što se može vidjeti iz tabele iznad. Dominantna kategorija ovih prihoda jesu prihodi od doprinosa za penzijsko i invalidsko osiguranje (PIO), koji su zabilježili stopu rasta od oko 12,4% g/g.

Direktni porezi. Prihodi po ovom osnovu na nivou Bosne i Hercegovine, u prva dva mjeseca 2025. godine, su ostvarili rast od oko 12,2% g/g. U posmatranom periodu po osnovu direktnih poreza ukupno je naplaćeno oko 376 miliona KM. U strukturi navedenih prihoda dominiraju prihodi od poreza na dohodak. Prihodi od poreza na dohodak bilježe stopu od oko 17,9% g/g i rezultat je mjera entitetskih vlada (povećanje minimalne plate). Prihodi od poreza na dobit rasli su zahvaljujući ostvarenim prihodima od poreza na dohodak na dobitke iz nagradnih igara i igara na sreću.

Takse, kazne i naknade. Po osnovu različitih taksi, naknada i kazni, tokom posmatranog perioda 2025. godine, ukupno je naplaćeno oko 240 miliona KM, što je za svega 0,5% manje nego u istom periodu prethodne godine. Na rast prihoda u navedenoj kategoriji najveći doprinos su imali povećani prihodi po osnovi naknada za priređivanje igara na sreću i koncesionih

-
- 1) Najniža plata u Republici Srpskoj utvrđuje se u bruto iznosu od 1.344,26 KM, odnosno u neto iznosu od 900,00 KM.
 - 2) Najniža plata za poslove za čije obavljanje se zahtijeva najmanje stečeno srednje obrazovanje u trajanju od tri godine utvrđuje se u bruto iznosu od 1.426,23 KM, odnosno u neto iznosu od 950,00 KM.
 - 3) Najniža plata za poslove za čije obavljanje se zahtijeva najmanje stečeno srednje obrazovanje u trajanju od četiri godine utvrđuje se u bruto iznosu od 1.508,20 KM, odnosno u neto iznosu od 1.000,00 KM.
 - 4) Najniža plata za poslove za čije obavljanje se zahtijeva najmanje stečeno više obrazovanje utvrđuje se u bruto iznosu od 2.000,00 KM, odnosno u neto iznosu od 1.300,00 KM.

naknada (naknada za korištenje elektroenergetskih objekata, prihodi od davanja prava na eksploataciju prirodnih resursa) i raznih kazni (najvećim dijelom, prekršajne kazne).

3. Cijene, monetarni i finansijski sektor

Cijene

U Bosni i Hercegovini od početka 2025. godine primjetni su značajni inflatorni pritisci što se može vidjeti u tabeli ispod. Inflacija mjerena indeksom potrošačkih cijena u Bosni i Hercegovini u februaru 2025. godine je iznosila 3,5% u poređenju sa februarom 2024. godine, odnosno u periodu I-II 2025. godine je iznosila 3,4% g/g. Najznačajniji rast cijena bio je u odjeljcima hrane i bezalkoholnih pića hrane i bezalkoholnih pića, ostalih dobara i usluga, zdravstva, restorana i hotela, alkoholnih pića i duvana. Kretanje inflacije u posmatranom periodu predstavljeno je u tabeli ispod. Kada je u pitanju kretanje inflacije u evropskim zemljama može se primjetiti da je inflacija u EU 27 u I-II 2025. godine iznosila 2,8% g/g.²²

Tabela 9: Indeks potrošačkih cijena (poređenje sa istim periodom prethodne godine)

Period	Bosna i Hercegovina	Federacija Bosne i Hercegovine	Republika Srpska
I-XII 2024	101,7	101,4	101,8
I-2025	103,3	103,3	103,2
II-2025	103,5	103,4	103,6
I-II 2025	103,4	103,3	103,4


Izvor: Agencija za statistiku Bosne i Hercegovine, Federalni zavod za statistiku Federacije Bosne i Hercegovine, Republički zavod za statistiku Republike Srpske

Cijene u odjeljku hrane i bezalkoholnih pića su u periodu I-II 2025. godine uvećane za 6,8% g/g. Na taj način su imale najveći doprinos rastu ukupne inflacije u Bosni i Hercegovini. U posmatranom periodu primjetan je rast cijena usluga pa su u odjeljku ostalih dobara i usluga cijene narasle za 3,4% g/g, zatim u odjeljku zdravstva za 6,9% g/g, restorana i hotela za 6,5% g/g. Cijene u odjeljku alkoholnih pića i duvana u periodu I-II 2025. godine su uvećane za 4,9% g/g uz poskupljenja cigareta od strane pojedinih proizvođača u februaru 2025. godine. Pored toga, od 1. januara 2025. godine stupila je na snagu Odluka o utvrđivanju specifične i minimalne akcize²³ na cigarete i duvan za 2025. godinu.

Cijena sirove nafte na svjetskom tržištu energenata u februaru 2025. godine prema podacima Svjetske banke bila je niža u odnosu na prethodni mjesec oko 5,6% i iznosila je 73,8 \$/barelu. U poređenju sa februarom 2024. godine, cijena sirove nafte bila je niža za 8,4%. S druge strane, primjetan je rast cijena prirodnog gasa. U februaru 2025. godine cijena prirodnog gasa (Evropa) bila je viša za 88,3% u odnosu na februar 2024. godine, a u odnosu na januar 2025. godine bila je viša za 4,6%. Indeks hrane na svjetskom tržištu u februaru 2025. godine bio je niži u odnosu na prethodni mjesec 0,5%, dok je u odnosu na februar 2024. godine niži za 2,5%.

²² Izvor: EUROSTAT

²³ Upravni odbor Uprave za indirektno oporezivanje donio je Odluku o utvrđivanju specifične i minimalne akcize na cigarete i iznos akcize na duvan za pušenje za 2025. godinu. Minimalna akciza za pakovanje cigareta od 20 komada iznosi 3,58 KM (u 2024. godini je iznosila 3,46 KM), a specifična akciza iznosi 1,65 KM za pakovanje cigareta od 20 komada (ostala je ista u odnosu na 2024. godinu). Akciza na duvan za pušenje utvrđuje se u visini od 80% minimalne akcize na cigarete utvrđene u članu 3. stav (3) ove odluke iznosi 143,20 KM po kilogramu (u 2024. godini je iznosila 138,4 KM po kilogramu). Izvor: Odluka o utvrđivanju specifične i minimalne akcize na cigarete i iznos akcize na duvan za pušenje za 2025. godinu.

Grafikon 8: Kretanje cijena sirove nafte, prirodnog gasa i indeksa hrane na svjetskom tržištu

Izvor: Svjetska banka

U odjeljku stanovanja, vode, električne energije, plina i drugih energenata cijene se nisu značajno mijenjale (0,6% g/g) u periodu I-II 2025. godine pa je i njihov doprinos rastu ukupne inflacije u Bosni i Hercegovini bio zanemariv. Stabilne cijene energenata imale su uticaja na kretanje cijena u odjeljku prevoza.

U Bosni i Hercegovini je u periodu I-II 2025. godine registrovano smanjenje cijena u odjeljku prevoza od 0,5% g/g. Na taj način cijene u ovom odjeljku nisu imale uticaja na rast inflacije. Slično je u odjeljku odjeće i obuće gdje su cijene u posmatranom periodu bile niže za 8,8% g/g.

Kretanje indeksa potrošačkih cijena po odjeljcima prema namjeni potrošnje predstavljeno je u tabeli ispod.

Tabela 10: Indeks potrošačkih cijena u Bosni i Hercegovini

Odjeljak	I-XII 2024 I-XII 2023	I 2025 I 2024	II 2025 II 2024	I-II 2025 I-II 2024
00 Ukupan indeks	101,7	103,3	103,5	103,4
01 Hrana i bezalkoholna pića	102,1	106,3	107,2	106,8
02 Alkoholna pića i duvan	104,2	104,3	105,6	104,9
03 Odjeća i obuća	92,5	91,3	91,1	91,2
04 Stanovanje, voda, el. energija, plin i dr. energenti	100,1	100,8	100,4	100,6
05 Namještaj, kućni uređaji i redovno održavanje kuće	101,2	99,6	100,0	99,8
06 Zdravstvo	103,6	107,0	106,8	106,9
07 Prevoz	99,2	99,8	99,2	99,5
08 Komunikacije	101,3	100,3	100,2	100,3
09 Rekreacija i kultura	103,6	103,4	103,4	103,4
10 Obrazovanje	101,4	100,5	100,6	100,6
11 Restorani i hoteli	107,2	107,1	105,9	106,5
12 Ostala dobra i usluge	105,3	103,4	103,3	103,4

Izvor: Agencija za statistiku Bosne i Hercegovine

Monetarni sektor

Prema podacima Centralne banke Bosne i Hercegovine (u daljem tekstu CBBiH) ukupna novčana masa (M2) na kraju februara 2025. godine iznosila je oko 39 mlrd. KM i uvećana je za 8,4% u odnosu na isti mjesec prethodne godine. Istovremeno, rezervni novac (u daljem tekstu M0) iznosio je oko 14,8 mlrd. KM što je za 2,4% više u odnosu na isti mjesec prethodne godine.

Prosječna stopa obavezne²⁴ rezerve na kraju februara 2025. godine nije se mijenjala i iznosila je 10%. Bruto devizne rezerve iznosile su oko 17 mlrd. KM i veće su za 6,2% u odnosu na isti mjesec prethodne godine.


Bankarski sektor

Prema podacima CBBiH ukupni plasirani krediti na kraju februara 2025. godine uvećani su za 10,1% u odnosu na isti mjesec prethodne godine i iznosili su 26,1 mlrd. KM. Krediti stanovništvu su uvećani za 9,5% g/g, dok su krediti nefinansijskim preduzećima uvećani za 9% g/g. Ukupni depoziti na kraju februara 2025. godine su uvećani za 7,8% u odnosu na isti mjesec prethodne godine i dostigli su oko 33,8 mlrd. KM. Depoziti stanovništva su uvećani za 10,3% g/g, dok su depoziti nefinansijskih preduzeća uvećani za 7,6% g/g.

Berze u Bosni i Hercegovini

U mjesecu februaru 2025. god. promet na Banjalučkoj berzi (u daljem tekstu BLSE) je dostigao 36,6 mil. KM uz negativnu stopu rasta od 61% g/g. Ovaj iznos predstavlja 88% ostvarenog prometa u Bosni i Hercegovini. Na BLSE je u ovom mjesecu za emitenta održana primarna emisija obveznica u iznosu od 35,0 mil. KM.


Grafikon 9: Promet na BLSE u milionima KM



Izvor: BLSE

U mjesecu februaru 2025. godine promet na sarajevskoj berzi (u daljem tekstu SASE) je sa dostignutih 4,9 mil. KM bio 2,7 puta veći u odnosu na isti period u prošloj godini. Ovaj iznos ujedno predstavlja 12% ukupnog ostvarenog prometa u Bosni i Hercegovini. U ovom mjesecu na SASE nije bilo javne ponude obveznica i trezorskih zapisa.

Grafikon 10: Promet na SASE u milionima KM



Izvor: SASE

²⁴ Prosječna stopa obavezne rezerve = Prosječne obavezne rezerve/osnovica za obračun obavezne rezerve.

Na kraju mjeseca februara 2024. godine ukupan promet na SASE i BLSE je dostigao 41,6 mil. KM uz negativnu stopu rasta od 56,5%. U ovom mjesecu je putem primarne emisije obveznica za emitenta prikupljeno 35,0 mil. KM.


Tabela 11: Ukupna kapitalizacija promet (u KM) na kraju perioda na SASE i BLSE

Godina	SASE	BLSE	UKUPNO
Feb - 2023.	6.106.927.363,8	4.690.092.175,9	10.797.019.539,7
Feb - 2024.	6.223.705.760,2	5.228.665.226,6	11.452.370.986,9
Feb - 2025.	7.790.823.109,38	5.206.290.936	12.997.114.045,7

Izvor: SASE i BLSE

Ukupna kapitalizacija na (SASE+BLSE) kraju mjeseca februara 2025.godine je dostigla oko 13 mlrd. KM uz stopu rasta od 13,5 % g/g. Odnos kapitalizacije na SASE prema BLSE na kraju ovog perioda je bio 59,9% prema 40,1%. Kapitalizacija na BLSE na kraju februara 2025. godine je dostigla 5,2 mlrd. KM uz negativnu stopu rasta od 0,4% g/g. Ukupna kapitalizacija na SASE na kraju mjeseca februara je dostigla 7,8 mlrd. KM uz stopu rasta od 25% g/g.

Grafikon 11: Kapitalizacija na SASE i BLSE u milijardama KM i stopa rasta u %



Izvor: SASE i BLSE


4. Vanjski sektor

Platni bilans Bosne i Hercegovine

Prema zvaničnim podacima CBBiH za K4 2024. godine, zabilježen je porast deficita tekućeg računa za 36,2% g/g. Deficit je sa 350 miliona KM u K4 2023. godine porastao na 480 miliona KM u K4 2024. godine²⁵. Kao razlog ovog povećanja deficita tekućeg računa mogao bi se navesti značajan rast deficita vanjske trgovine koji je u K4 2024. godine iznosio oko 1,84 milijardi KM (povećan za 143 miliona KM, odnosno za 8,5% g/g). Iako je u K4 2024. godine zabilježen nominalni rast izvoza roba i usluga od 5,4% g/g (izvoz robe je viši za 246 miliona KM, izvoz usluga povećan za 42 miliona KM) pod uticajem rasta uvoza roba i usluga od 6,1% g/g došlo je do rasta deficita vanjske trgovine (nominalni uvoz robe uvećan za 420 miliona KM, dok je uvoz usluga veći je za 11 miliona KM).

²⁵ Izvor podataka: CBBiH, Statistika platnog bilansa, mart 2025. godine

Grafikon 12: Kretanje tekućeg računa Bosne i Hercegovine – po godinama u K4



Izvor: CBBiH

Tekući neto prilivi iz inostranstva su, u K4 2024. godine, ostali skoro na istom nivou kao i u istom kvartalu prethodne godine (iznosili su oko 1,33 milijarde KM). U okviru tekućih priliva novca (koji su iznosili 2,21 milijardu KM, viši su za 5,5% g/g) najveći dio od navedenog iznosa otpada na prilive novca kod domaćinstava koji su iznosili 1,92 milijardi KM (porast za 119 miliona KM, odnosno rast od 6,6% g/g). Ovom povećanju priliva kod domaćinstava najviše je doprinio rast doznaka građana iz inostranstva za 89 miliona KM zatim povećanje kompenzacija zaposlenih rezidenata Bosne i Hercegovine u inostranstvu za 45 miliona KM te povećani ostali tekući transferi iz inostranstva za 10 miliona KM. Nasuprot navedenim kategorijama kod priliva socijalnih beneficija iz inostranstva došlo je do smanjenja za 25 miliona KM.

Neto odlivi prema inostranstvu su, u K4 2024. godine, također zabilježili povećanje i to po stopi rasta od 14,4% g/g (povećanje odliva za 111 miliona KM). Ovaj porast se najvećim dijelom reflektirao povećanim odlivima kod nefinansijskih preduzeća i to po osnovu odliva na dohodak za vlasnički kapital i udjele u investicionim fondovima.

Finansiranje deficita tekućeg računa u K4 2024. godine se odvijalo kroz smanjenje ulaganja u aktivu Bosne i Hercegovine u inostranstvu od 22 miliona KM (najvećim dijelom iz finansijskog sektora), promjenu stanja inostranih obaveza za 874 miliona KM (u koje ulaze strana ulaganja u vlasnički kapital od 428 miliona KM, sredstva trgovinskih kredita 216 miliona KM, vanjskog zaduživanja-u koji ulazi otpлата duga od 263 miliona KM te smanjenja ostalih obaveza prema nerezidentima u iznosu od 33 miliona KM), sredstvima rezervne aktive od 707 miliona KM²⁶, sredstvima sa kapitalnog računa 86 miliona KM uz neto greške i propuste u iznosu od 212 miliona KM.


Vanjskotrgovinska robna razmjena

U proteklih nekoliko godina Bosna i Hercegovina je bilježila kontinuirani trend rasta vanjskotrgovinske robne razmjene, što se u pojedinim godinama manifestovalo i dvocifrenim stopama rasta izvoza i uvoza roba. Međutim u 2024. godini ovaj pozitivan trend je zaustavljen obzirom da je ukupna vanjskotrgovinska robna razmjena u Bosni i Hercegovini stagnirala. Tako su glavne karakteristike vanjskotrgovinske robne razmjene u 2024. godine bile, stagnacija ukupnog obima razmjene, smanjenje izvoza roba, povećanje uvoza roba i povećanje

²⁶ Za razliku od monetarnog sektora gdje se analizira stanje deviznih rezervi na kraju perioda ovdje se prate tokovi novca

vanjskotrgovinskog deficita.²⁷ Prema trenutno raspoloživim podacima o vanjskotrgovinskoj robnoj razmjeni u Bosni i Hercegovini za januar-februar 2025. godine čini se da je došlo do blagog poboljšanja. Naime, nakon dugo vremena u Bosni i Hercegovini je do istovremenog rasta izvoza i uvoza roba, što je rezultiralo povećanjem ukupnog obima vanjskotrgovinske u odnosu na isti period prethodne godine. Pregled kretanja vanjskotrgovinskih pokazatelja u Bosni i Hercegovini za period januar-februar 2025. godine prikazan je na grafikonu ispod.

Grafikon 13: Vanjskotrgovinska robna razmjena u Bosni i Hercegovini za januar-februar 2025. godine (nominalni iznosi i stope rasta g/g)



Izvor: BHAS

Prema trenutno raspoloživim podacima BHAS-a za januar 2025. godine izvoz roba iz Bosne i Hercegovine iznosio je skoro 2,7 milijardi KM što predstavlja nominalno povećanje od 152 miliona KM odnosno 6,1% u odnosu na isti mjesec prethodne godine.²⁸ Ako se izvoz roba iz Bosne i Hercegovine u periodu januar-februar 2025. godine posmatra detaljnije po proizvodima, vidljivo je da su najznačajnija povećanja izvoza roba registrirana u okviru izvoza baznih metala 56% (3,2 p.p), ruda metala gdje je izvoz višestruko uvećan a doprinos rastu ukupnog izvoza iznosio (1,3 p.p), gotovih metalnih proizvoda 13,7% (1,6 p.p), autokomponenti 17,6% (0,8 p.p), proizvoda od papira 16,6% (0,4 p.p) i dr. S druge strane, u periodu januar-februar 2025. godine najznačajnija smanjenja su zabilježena u okviru izvoza koksa 65% (-1,4 p.p), mašina i uređaja 11% (-0,9 p.p), odjeće 13,2% (-0,7 p.p) i namještaja 9,8% (-0,7 p.p). Ako se izvoz roba iz Bosne i Hercegovine u periodu januar-februar 2025. godine posmatra po glavnim trgovinskim partnerima vidljivo je da najviše robe izvezeno na tržište zemalja EU u vrijednosti od oko 2 milijarde KM što predstavlja povećanje od 3,4% u odnosu na isti period prethodne godine. S druge strane, izvoz roba iz Bosne i Hercegovine u zemlje CEFTA-e iznosio je 448 miliona KM što predstavlja povećanja od 17,3%. Ako se robni izvoz iz Bosne i Hercegovine u periodu januar-februar 2025. godine posmatra po zemljama vidljivo je da su najznačajnija povećanja zabilježena prilikom izvoza u Hrvatsku 22,3% (3,3 p.p), Srbiju 24,1% (2,3 p.p), Austriju 3,6% (0,3 p.p), dok su najznačajnija smanjenja registrirana prilikom izvoza

²⁷Agencija za statistiku Bosne i Hercegovine, Saopštenje, „Vanjskotrgovinska robna razmjena u Bosni i Hercegovini za decembar 2024. godine-prethodni podaci“, 20.01.2025. godine.

²⁸Agencija za statistiku Bosne i Hercegovine, Saopštenje, „Vanjskotrgovinska robna razmjena u Bosni i Hercegovini za januar-februar 2025. godine“, 20.03.2025. godine.

u Njemačku 7,1% (-1,3 p.p), Italiju 6,0% (-0,5 p.p), Tursku 20,6% (-0,6 p.p) i Sloveniju 3,0% (-0,3 p.p).

S druge strane, uvoz roba u Bosnu i Hercegovinu u periodu januar-februar 2025. godine iznosio je preko 4,5 milijardi KM što predstavlja nominalni rast od 272 miliona KM odnosno 6,4% u odnosu na isti period prethodne godine. Ovaj nastavak trenda rasta uvoza je veoma značajan u kontekstu kretanja privatne potrošnje i investicija odnosno domaće tražnja u zemlji koja predstavlja glavno uporište ekonomskog rasta u zemlji. Posmatrano po proizvodima, najznačajnija povećanja uvoza su registrirana u okviru uvoza električne energije koji je značajno uvećan i doprinosa je povećanju ukupnog uvoza sa (3,0 p.p), zatim baznih metala 11,9% (1,1 p.p) hemijskih proizvoda 11,3% (0,8 p.p), gotovih metalnih proizvoda 11,3% (0,8 p.p), te prehrambenih proizvoda 4,9% (0,5 p.p) i dr. S druge strane, smanjenja su zabilježena prilikom uvoza kamenog uglja 64% (1,6 p.p), rafiniranih naftnih derivata 6,0% (0,6 p.), tekstila 2,6% (-0,1 p.p) i dr.

Ako se uvoz roba u Bosnu i Hercegovinu u periodu januar-februar 2025. godine posmatra po glavnim trgovinskim partnerima vidljivo je da najviše robe uvezeno sa tržišta zemalja EU u vrijednosti od preko 2,6 milijardi KM što predstavlja povećanje od 3% u odnosu na isti mjesec prethodne godine. Uvoz roba iz zemalja CEFTA-e iznosio je skoro 548 miliona KM što predstavlja povećanje od 17,4% u odnosu na isti period prethodne godine. Ako se robni uvoz u Bosnu i Hercegovinu u periodu januar-februar 2025. godini posmatra po zemljama vidljivo je da su najznačajnija povećanja istog zabilježena prilikom uvoza iz Hrvatske koji je uvećan za preko 65% uz doprinos rastu ukupnog uvoza roba od (4,1 p.p), zatim Kine 26,2% (2,2 p.p), Srbije 15,5% (1,5 p.p), Austrije 6,0% (0,2 p.p). S druge strane, najznačajnija smanjenja uvoza su registrirana prilikom uvoza iz Italije 14,5%, Njemačke 8,9% (-1,2 p.p) i Slovenije 2,0% (-0,1 p.p).

Ovakva kretanja izvoza i uvoza roba u periodu januar-februar 2025. godine rezultirala su vanjskotrgovinskim deficitom od skoro 1,8 milijardi KM, što predstavlja povećanje od 120 miliona KM odnosno 6,8% u poređenju sa istim periodom prethodne godine. Ako se posmatra struktura robnog deficita u Bosni i Hercegovini može se zaključiti da su rafinirani naftni proizvodi, motorna vozila, farmaceutski preparati i prehrambeni proizvodi najviše doprinosili povećanju deficita. S druge strane, namještaj, metalne konstrukcije i obuća su kategorije u okviru kojih Bosna i Hercegovina ostvaruje suficit.

Ukupna pokrivenost uvoza izvozom u Bosni i Hercegovini u periodu januar-februar 2025. godini iznosila je 58,6%, pri čemu je pokrivenost sa zemljama EU iznosila 74,5% a sa zemljama CEFTA-e 81,7%. Detaljniji prikaz vanjskotrgovinske robne razmjene u Bosni i Hercegovini u periodu januar-februar 2025. godine po HS klasifikaciji prikazan je u tabeli ispod.

Tabela 12: Vanjskotrgovinska robna razmjena u Bosni i Hercegovini u periodu januar-februar 2025. godine, HS klasifikacija

Izvozi uvoz dobara klasifikovanih prema harmonizovanom sistemu kodova (HS)	IZVOZ				UVOZ				DEFICIT				
	Jan-Feb 2024	Jan-Feb 2024	2025/2024 promjena %		Jan-Feb 2024	Jan-Feb 2024	2025/2024 promjena %		Jan-2024	Jan-2025	2025/2024 promjena %		Pokrivenost uvoza izvozom
	u mil KM	u mil KM	g/g	p-p	u mil KM	u mil KM	g/g	p-p	u mil KM	u mil KM	g/g	p-p	
UKUPNO	2505	2658	6.1	6.1	4266	4538	6.4	6.4	-1761	-1880	6.8	6.8	58.6%
1 ŽIVOTINJE I PROIZVODI	34	34	1.2	0.0	143	142	-0.5	-0.02	158	185	17.1	-1.53	24.2%
2 BILJNOG MASTIT I ULJA	31	31	-0.6	-0.01	194	229	18.0	0.82	277	277	-0.1	0.02	13.4%
3 ŽIVOTINJSKOG PREHRAMBENE	20	30	47.8	0.38	24	40	68.1	0.38	50	36	-27.4	0.77	74.3%
4 PRERAĐEVINE PROIZVODI	75	75	-0.3	-0.01	368	389	5.7	0.49	456	541	18.6	-4.83	19.2%
5 MINERALNOG PROIZVODI	230	274	18.9	1.74	609	651	6.9	0.99	912	985	8.0	-4.15	42.1%
6 HEMLJSKE PLASTICNE	178	196	9.9	0.71	384	420	9.3	0.83	537	591	10.1	-3.07	46.7%
7 MASE, GUMA I	122	127	3.9	0.19	264	278	5.3	0.33	455	426	-6.4	1.65	45.7%
8 KOŽA I KRZNO	13	17	36.0	0.18	38	36	-6.0	-0.05	88	81	-8.0	0.40	47.4%
9 DRVO I PROIZVODI OD CELULOZA,	133	127	-4.5	-0.24	60	61	2.0	0.03	119	113	-5.0	0.34	208.9%
10 PAPIR I KARTON TEKSTIL I	65	76	16.9	0.44	89	86	-2.8	-0.06	141	145	3.0	-0.24	88.0%
11 TEKSTILNI OBUČA, SEŠIRI,	144	123	-14.6	-0.84	243	255	5.2	0.29	363	401	10.5	-2.16	48.1%
12 KAPE I SLIČNI PROIZVODI OD	130	114	-12.0	-0.62	66	71	8.9	0.14	98	115	17.3	-0.97	159.9%
13 KAMENA, GIPSA, BISERI,	36	36	-0.6	-0.01	78	85	9.0	0.16	118	126	7.1	-0.48	41.9%
14 PLEMENITI BAZNI METALI I	11	9	-15.5	-0.07	10	12	21.9	0.05	16	12	-26.4	0.24	79.5%
15 PROIZVODI OD MASINE,	414	471	13.8	2.28	536	598	11.6	1.45	1141	868	-23.9	15.49	78.8%
16 APARATI, TRANSPORTNA	467	460	-1.6	-0.30	651	654	0.5	0.07	778	963	23.8	-10.51	70.3%
17 SREDSTVA I ŠATOVI, MJERNI,	106	119	12.4	0.52	344	331	-3.8	-0.30	341	428	25.5	-4.94	36.0%
18 MUZIČKI I ORUŽJE I	19	22	18.4	0.14	61	78	26.4	0.38	90	86	-4.0	0.20	28.2%
19 MUNICIJA, RAZNI	51	97	90.6	1.85	5	8	65.2	0.07	4	5	14.0	-0.03	1281.6%
20 PROIZVODI UMJETNICKA	227	216	-5.0	-0.45	99	109	10.3	0.24	144	146	1.2	-0.10	68.7%
21 DJELA,	0	0	0.0	0.00	0	0	0.0	0.00	0	0	0	0.00	0.0%
98 NERAZVRSTANO	0		0.0	0.00	0	0	0.0	0.00	0	0	0.0	0.00	0.0%

Izvor: BHAS

5. Strana direktna ulaganja

U vrijeme pisanja informacije nisu bili dostupni podaci o stranim direktnim ulaganjima za mjesec januar i februar 2025. godine.

Prema posljednjim dostupnim podacima od strane CBBiH²⁹ SDU u Bosni i Hercegovini su u 2024. godini dostigla 2.036,8 mil. KM i bila su veća za 8,8% u odnosu na isti period u prošloj godini. Ukupne reinvestirane zarade u 2024. godini su dostigle 1.251,7 mil. KM uz stopu rasta od 24,6 % g/g. Time su sa ostvarenim učešćem od 61,5 % u ukupnim SDU bile veće za 7,8 p.p. u odnosu na isti period u prošloj godini.

²⁹ BPM6_for_users_Q1_2015_Q4_2024_stan, neto finansijska pasiva

Tabela 13: Strana direktna ulaganja po kvartalima i ukupno u milionima KM

Godina	K1	K2	K3	K4	K1-K4
2021.	457,4	530,1	373,3	-112,8	1.248,1
2022.	420,6	442,2	396,7	316,0	1.575,4
2023.	499,2	592,9	404,6	375,3	1.872,0
2024.	592,7	394,9	513,9	535,4	2.036,8

Izvor: CBBiH

Dana 2. avgusta 2024. agencije za ocjenu kreditnog rejtinga Standard & Poor's i Moody's Investors Service potvrdile su Bosni i Hercegovini suvereni kreditni rejting „B+ sa stabilnim izgledima“ i „B3 sa stabilnim izgledima“.

Na osnovu člana 17. Zakona o Vijeću ministara Bosne i Hercegovine („Službeni glasnik Bosne i Hercegovine“, br. 30/03, 42/03, 81/06, 94/07 i 24/08), člana 54. stava (1) tačke b) i člana 56. Poslovnika o radu Vijeća ministara Bosne i Hercegovine („Službeni glasnik BiH“, broj 22/03) Vijeće ministara Bosne i Hercegovine na _____. sjednici, održanoj _____ godine, donijelo je

ZAKLJUČAK

1. Vijeće ministara Bosne i Hercegovine usvojilo je dokument ***Informacija o kretanju makroekonomskih pokazatelja u Bosni i Hercegovini za januar – februar 2025. godine.***
broj: _____ od _____. godine.

Broj: _____, _____. godina.
S a r a j e v o

M. P. Predsjedavajuća
Vijeća ministara Bosne i Hercegovine

Borjana Krišto

Na temelju članka 17. Zakona o Vijeću ministara Bosne i Hercegovine („Službeni glasnik Bosne i Hercegovine“, br. 30/03, 42/03, 81/06, 94/07 i 24/08), članka 54. stavka (1) točke b) i članka 56. Poslovnika o radu Vijeća ministara Bosne i Hercegovine („Službeni glasnik BiH“, broj 22/03) Vijeće ministara Bosne i Hercegovine na _____. sjednici, održanoj _____ godine, donijelo je

ZAKLJUČAK

1. Vijeće ministara Bosne i Hercegovine usvojilo je dokument ***Informacija o kretanju makroekonomskih pokazatelja u Bosni i Hercegovini za siječanj – veljača 2025. godine.***

broj: _____ od _____. godine.

Broj: _____, _____. godina.

S a r a j e v o

M. P.

Predsjedateljica
Vijeća ministara Bosne i Hercegovine

Borjana Krišto

На основу члана 17. Закона о Савјету министара Босне и Херцеговине („Службени гласник Босне и Херцеговине“, бр. 30/03, 42/03, 81/06, 94/07 и 24/08), члана 54. става (1) тачке б) и члана 56. Пословника о раду Савјета министара Босне и Херцеговине („Службени гласник БиХ“, број 22/03) Савјет министара Босне и Херцеговине на _____ сједници, одржаној _____ године, донио је
(број сједнице) (датум сједнице)

ЗАКЉУЧАК

1. Савјет министара Босне и Херцеговине усвојио је документ *Информација о кретању макроекономских показатеља у Босни и Херцеговини за јануар – фебруар 2025. године*.
број: _____ од _____ године.

Број: _____, _____ година.
С а р а ј е в о

М. П. Предсједавајућа
Савјета министара Босне и Херцеговине

Борјана Кришто